



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0021531 21
Sarajevo, 26.12.2022.godine

SUD BOSNE I HERCEGOVINE
SARAJEVO

- Sudiji za prethodno saslušanje -

Na osnovu odredbi člana 35. stav (2) tačka i) Zakona o krivičnom postupku Bosne i Hercegovine („Službeni glasnik Bosne i Hercegovine br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09, 72/13, 65/18⁶), te člana 226. stav (1) i člana 227. ZKP BiH, p o d i ž e m,

OPTUŽNICU

Protiv:

MILOŠA NIKOLIĆA, rođenog 1993.godine
u mjestu Sokolac,
državljanina Bosne i Hercegovine i Republike Srbije,

MIROSLAVA LOVRIĆA, rođenog 1983.
godine u Sarajevu,
državljanina BiH,

DALIBORA LUGONJE,

rođenog 1980.

godine u Sarajevu,
državljanina BiH,

JASMINA HODE,

rođenog 1996. godine

u Sarajevu,

državljanina BiH,

Što su:

1. Miloš Nikolić, Miroslav Lovrić, Dalibor Lugonja i Jasmin Hodo zajedno

Krajem januara 2022.godine na području Sarajeva, Miloš Nikolić udružio grupu ljudi u smislu člana 1. stav 20. KZ BiH, formiranu radi realizacije međunarodne prodaje opojne droge „speed“ koja sadrži psihotropnu supstancu Amfetamin koja je *Konvencijom o psihotropnim supstancama od 1971. godine i Rješenjem o popisu opojnih droga ("Službeni list R BiH" br. 2/92 i 13/94)* proglašena opojnom drogom i čiji se promet može obavljati samo na temelju dozvole nadležnog organa u skladu sa *Zakonom o proizvodnji i prometu opojnih droga ("Službeni list RBiH" br. 2/92 i 13/94)* i čiji je promet zabranjen odredbama *Zakona o sprječavanju i suzbijanju zloupotrebe opojnih droga („Službeni glasnik BiH“ broj 8/06,103/08,51/11)* kupcima iz Republike Hrvatske, kojoj grupi su pristupili Miroslav Lovrić, Dalibor Lugonja i Jasmin Hodo, u

kojoj grupi je Miloš Nikolić bio zadužen za pronalazak kupaca za opojnu drogu, Miroslav Lovrić i Dalibor Lugonja za izviđanje mjesta prodaje droge i načina predaje iste, a Jasmin Hodo za dovoženje opojne droge na mjesto prodaje, pa se Miloš Nikolić dana 28.01 oko 13,00 sati. i 30.01.2022.godine oko 10,00 sati, u ugostiteljskom objektu [REDACTED] Istočno Sarajevo, sastao sa kupcima iz Republike Hrvatske po imenu [REDACTED] s ciljem da dogovori cijenu i uslove prodaje „opojne droge“ radi distribucije u R. Hrvatsku, pa im je Miloš Nikolić ponudio na prodaju do četrdeset kilograma opojne droge speed iznimne kvalitete po cijeni 1350 eura za kilogram, kokain iznimne kvalitete tzv. „kolumbijicu“ iz Crne Gore i do sto kilograma marihuane iz Herceg Novog po cijeni 1600 eura za kilogram, sa prevozom na bilo koju lokaciju, uključujući i Republiku Hrvatsku, te je za isti dan pogodio prodaju pet kilograma opojne droge „Speed“ sa isporukom u Sarajevu kod tržnog centra [REDACTED] po cijeni 1300 eura za kilogram, nakon čega je sa navedenim upoznao Miroslava Lovrića koji je po njega došao na kraju sastanka, te su Miloš Nikolić, Miroslav Lovrić, Dalibor Lugonja i Jasmin Hodo istog dana 30.01.2022.godine oko 14,35 sati na u međuvremenu promjenjenoj lokaciji na parking prostoru tržnog centra [REDACTED] u naselju Stup, opština Ilidža, Sarajevo, zajedno učestvovali u realizaciji prodaje, kako je Miloš Nikolić ranije dogovorio, na način da je Miloš Nikolić oko 13,15 sati stigao na novu dogovorenu lokaciju gdje su ga čekala lica po imenu [REDACTED] u putničkom vozilu BMW sive boje, nakon čega je otišao da se konsultuje sa Miroslavom Lovrićem i Daliborom Lugonjom koji su na novu lokaciju stigli putničkim motornim vozilom marke Citroen C5, registarskih oznaka [REDACTED], crvene boje, Miroslav Lovrić na mjestu vozača a Dalibor Lugonja na mjestu suvozača, te je Miroslav Lovrić rekao Daliboru Lugonji da preko Miloša Nikolića kupcima iz Republike Hrvatske prenese poruku, pa je Dalibor Lugonja izašao iz vozila i prenio Milošu Nikoliću navedenu poruku, da bi je Miloš Nikolić prenio, „[REDACTED]“ da je njihov prijedlog oko načina predaje pet kilograma opojne droge „speed“ da trebaju prvo predati novac Milošu a da potom „[REDACTED]“ preuzmu drogu u garaži njihovih prijatelja, na šta „[REDACTED]“ nisu pristali i nakon što su Miroslav Lovrić i Dalibor Lugonja napustili navedenu lokaciju, istu su na kratko napustili i lica „[REDACTED]“, da bi ih Miloš Nikolić pozvao da se vrate, nakon čega je s njima otišao u ugostiteljski objekat unutra tržnog centra [REDACTED] kako bi dogovorili drugačiji način predaje, te nakon što je Miloš Nikolić postigao dogovor sa Miroslavom Lovrićem, Daliborom Lugonjom i Jaminom Hodom, rekao je „[REDACTED]“ da će uskoro njegovi prijatelji dovesti opojnu drogu radi predaje, pa su se Miroslav Lovrić i Dalibor Lugonja vozilom marke Citroen C5, registarskih oznaka [REDACTED] ponovo dovezili na dogovorenu lokaciju u pratnji vozila marke Passat karavan sive boje, registarskih oznaka [REDACTED] kojim je upravljao Jasmin Hodo, čiji je zadatak bio da prati Miroslava Lovrića koji ga je navigirao do vozila „[REDACTED]“ i [REDACTED] radi predaje opojne droge, a koji je navedenim „Passatom“ na mjestu ispred suvozačevog sjedišta dovezao crnu PVC kesu sa pet kilograma praškaste materije sa psihotropnom supstancom amfetamin čistoće 4,4%, poznate kao „speed“, upakovane u pet vakumiranih pvc pakovanja od po 1003,3 grama, 1005,8 grama, 1005,2 grama, 1006,2 grama i 1003,8 grama, te su se tako dovezli i parkirali do vozila kojim su došli „[REDACTED]“, nakon čega je Jasmin Hodo izašao iz vozila i otvorio suvozačova vrata Passata kako bi omogućio preuzimanje navedene opojne droge, te je Miloš Nikolić ispred suvozačevog mjesta izvadio kesu sa drogom i odnio je i predao licima „[REDACTED]“, a nakon što su isti vidjeli da se u vrećici nalazi pet pakovanja bijele kremaste materije, vakumiranih u pvc folije, predali su Milošu Nikoliću novac u iznosu od 6.250 Eura i 500 Konvertibilnih maraka.

2. Miloš Nikolić

Nakon što se Miloš Nikolić dana 09.04.2022. godine oko 10,15 sati i oko 15,15 sati, u ugostiteljskom objektu [REDACTED] Istočno Sarajevo, sastao sa od ranije poznatim kupcima opojne droge iz Republike Hrvatske po imenu [REDACTED], s ciljem da im proda opojnu drogu za dalju distribuciju u R. Hrvatsku, ponudio im da može da proda do trideset kilograma opojne droge speed po cijeni 1300

eura za kilogram ili po cijeni većoj za najmanje 100 eura po kilogramu za transport do lokacije bližoj granici, te dogovorio sa istima da u narednom periodu realizuju prodaju deset kilograma opojne droge „speed“ koja sadrži psihotropnu supstancu amfetamin koja je Konvencijom o psihotropnim supstancama od 1971. godine i Rješenjem o popisu opojnih droga ("Službeni list R BiH" br. 2/92 i 13/94) proglašena opojnom drogom i čiji se promet može obavljati samo na temelju dozvole nadležnog organa u skladu sa Zakonom o proizvodnji i prometu opojnih droga ("Službeni list RBiH" br. 2/92 i 13/94) i čiji je promet zabranjen odredbama Zakona o spriječavanju i suzbijanju zloupotrebe opojnih droga („Službeni glasnik BiH“ broj 8/06,103/08,51/11), sa prevozom i predajom u Gradiški, nakon čega je na njemu poznat način nabavio traženu količinu opojne droge „Speed“ i dana 21.04.2022.godine u ranim jutarnjim satima svojim motornim vozilom Škoda Octavia, reg. oznaka [REDACTED], radi realizacije dogovorene prodaje, krenuo u Gradišku gdje se oko 11,45 sati dovezao a potom sastao u ugostiteljskom objektu [REDACTED], u sklopu tržnog centra [REDACTED], sa licima [REDACTED] kojim je rekao da se deset kilograma opojne droge „Speed“ nalazi u njegovom vozilu parkirano na parking u ispred tržnog centra [REDACTED], nakon čega je [REDACTED] otišao do vozila Miloša Nikolića i premjestio u prtljažnik njegovog BMW-a crni ruksak sa deset kilograma praškaste materije sa psihotropnom supstancu amfetamin u maseonom udjelu 23%, poznate kao „speed“, upakovane u deset vakumiranih pvc pakovanja od po 993,2 grama, 1015,2 grama, 868,4 grama, 1011,1 grama, 1015,5 grama, 901,7 grama, 947,5 grama, 1000,3 grama, 985,3 grama i 1007,7 grama, kojom prilikom je [REDACTED] izvršio vizuelni pregled i utvrdio da se u ruksaku nalazi deset pakovanja kremaste materije, vakumiranih u pvc foliju, a nakon što se vratio u ugostiteljski objekat [REDACTED] je Nikoliću predao bijelu kovertu sa 10.000,00 eura i 7.800,00 KM, da bi im Miloš Nikolić ponudio da može sljedeći put u Gradišku isporučiti do 20 kg opojne droge speed za iznos od 1300 Eura po kilogramu, te da „njegovi ljudi“ mogu dovesti istu i do Pule, ali da se mora raspitati za cijenu transporta, da bi Miloš Nikolić oko 12,05 sati po izlasku iz tržnog centra bio lišen slobode, kojom prilikom je od njega oduzet primljeni novac.

Dakle,

Miloš Nikolić udružio grupu ljudi radi neovlaštene međunarodne prodaje opojne droge, te je neovlašteno vršio međunarodnu prodaju i nudio na prodaju supstance koje su propisom proglašene opojnim drogama, Miroslav Lovrić, Dalibor Lugonja i Jasmin Hodo postali pripadnici grupe ljudi udružene radi međunarodne prodaje opojne droge, te su neovlašteno vršili međunarodnu prodaju supstanci koje su propisom proglašene opojnim drogama,

Čime bi:

Miloš Nikolić počinio krivično djelo „Udruživanje radi činjenja krivičnih djela“ iz člana 249. stav 1. KZ BiH i krivično djelo „Neovlašteni promet opojnim drogama“ iz člana 195. stav 1. KZ BiH, u vezi sa članom 53. KZ BiH, a Miroslav Lovrić, Dalibor Lugonja i Jasmin Hodo počinili krivično djelo „Udruživanje radi činjenja krivičnih djela“ iz člana 249. stav 2. KZ BiH i krivično djelo „Neovlašteni promet opojnim drogama“ iz člana 195. stav 1. KZ BiH, u vezi člana 53. KZ BiH.

Tužilac Tužilaštva BiH